

(Wok Pris)

Bämop Äma Epän

Irit kuṅat-kuṅatta ba Anutu iniṅoret-oretta jukuman

Bämop Äma Epän 16:1-34

Momi ärutta kowata

16 ¹⁻²^aBianiinik Yawe Anututä Moses ṅode iwetkuk; Bämop äma intäjukun täṅpani wäpi Aron ṅode iwet; Yawe näkä gubam kubätä uwäk täṅjirän äpä momi pekpek täṅo bāgup topmāk-topmāk gāpe u täpani terak itak uken ahäk täyat. Topmāk-topmāk gāpe uwä näkṅo yot gānaṅ bāgup kudupitā kudupiinik, bagata tek pewä wādāwani u mādeni kāda itak. Näkä u it täyat unita jukuman kehāromi gāwetat; Gāk bāgup uken jop nāmo ārowen. Nāmo, kepma näk nadāṅ tamik täyatken ugān tāga ārowen. Täṅ gākṅaken gārip terak āroṅpāṅjä kumbenta. ³^bEruk bāgup kudupitā kudupiinik u ārokārok kādāniken ārowayāṅ nadāṅpāṅjä intäjukunä gākṅaken momikata yāṅpāṅ bulimakau kubä utpāṅ iṅṅkaṅ sipsip āmani kubä näk naniṅ oretta ārawata ude uren.

⁴Ude täṅkaṅ ume ärutpāṅ tek mebāri kubä ṅode täṅpen; Nep täṅpāṅ tek kāroṅi wādāwi āroneṅ. U täṅpāṅ piṅṅta tek säkgāmān kubä yaben. Ude täṅpāṅ tek morākṅpāṅ gwākkaken gwāpāta ude pādä täwen. ⁵Tuṅum ude täṅjiri Isrel āmawebe ābottä sipsip āmani kubākāt meme āmani yarä u yāpmāṅ ābā gamineṅ. Täṅpākaṅ meme uwä momi ärutta kowata api dāpen. Täṅpāṅ sipsip āmani uwä näk naniṅ oretta ārawata ude uren.

⁶Tāṅkaṅ bulimakau āmani kubä gākṅaken momita yāṅpāṅ ba ini ābot täṅo momita kowata utpāṅ iṅṅwen. ⁷Ude täṅpāṅ meme yarä uwä

^a 16:2 Hib 6:19 ^b 16:3 Hib 9:7

yäpmanjpäŋ yottaba Yawe näkä it täyat u yämabamken kwen. ⁸Ude tänjiri Yawe näkä ŋode api gäwoŋärewet; Meme depän näk naniŋ oretta api uren, ba depän kome kawukiken iniŋ kireŋpewi kukta biŋam api täŋpek. ¹²Gäk alta terak kädäp ijiwani uken nanik kädäp pärin käbot gänaŋ peŋpäŋ, ukät imaka keŋkeŋi gupe kábäŋi säkgämän pewä ahäkta yäwani u bok porinŋpäŋ yäpmanjkaŋ Bägup kudupitä kudupiinikken ärowen. ¹³Kuŋkaŋ imaka keŋkeŋi u kädäp pärin terak äreŋ täŋpi äpmoŋirä gupe kábäŋi säkgämäntä topmäk-topmäk gäpe momi pekpek bägup ikek u uwäk täŋpäŋ irek. Ude nämo täŋpayän täno uwä ini ugän api kumben. ¹⁴Ude täŋkaŋä ketka nanaki kubätä bulimakau täno nägäri gänaŋ yäputkaŋ momi pekpek bägup, topmäk-topmäk gäpeni gäpäniken itak uterak kwarut ibat. Ude täŋkaŋ nägät ätu kadäni 7 ude topmäk-topmäk gäpe täno iŋamiken kwarut ibat.

¹⁵⁻¹⁷ Meme Yawe näk naniŋ oretta iwoyäwani u utpäŋ unitäŋo nägäri Bägup kudupitä kudupiinikken bulimakau täno nägäripän täno udegän kwarut täŋpi kut. Täŋpäŋ nägät ätu näkŋo yottaba terak imaka, kwarut täŋpi kuneŋ. Nadätan, gäk kubä-tägän näkŋo yottabaken ärokta ganiŋ kiretat. Täŋpäkaŋ Bägup kudupitä kudupiinikken u peŋpäŋ äpäŋpäŋä alta ainpän täŋpani u iŋamnaken kuräki itta bulimakau ukät meme unitäŋo nägäri ätu yäpmanjpäŋ käwuri kukŋi kukŋi kudup äruren. Ude täŋkaŋ alta u terak ketka nanaki kubätä kadäni 7 ude nägät kwawut ibaren. Ude tänjiri alta uwä iŋamnaken kuräkiinik api irek.

Meme nämo urani

²⁰⁻²¹ Meme nämo urani u yänikŋat yäpmanj yottaba dubiniken äben. Ude täŋpäŋ ketka yarä, bok gwäki terak peŋpäŋ ämawebe täno momi kuduŋtagän yänahäwen. Ude täŋkaŋ äma kubä iwoyäwikaŋ unitä meme u yänikŋat yäpmanj kome kawukiken kwek. Ude yänikŋat yäpmanj kuŋirän ämawebe täno momi u kotaŋpäŋ yäpmanj kwek. ²²Täŋpäkaŋ meme uwä kome kawuki bämopikeninik kaŋ tewän kwän.

²³ Ude täŋ paotpäŋä, Aron gäk näkŋo yottabaken äronpäŋ ume ärutkaŋ, bämop äma täno tek äneŋi täŋkaŋ, tek Bägup kudupitä kudupiinikken täŋkaŋ ärono u ini ugän pe. Ude täŋkaŋ yäman äpäŋpäŋ sipsip ämani näk naniŋ oretta iwoyäwani u utpäŋ ijiwen. Tom unitäŋo gakŋiwä alta ainpän täŋpani uterak ijinjiri gupetä äronirän kaŋkaŋ gäripi nadäwet. ²⁶Täŋpäkaŋ äma meme yänikŋat yäpmanj kweko u äbäŋpäŋä ini gupi ba teki kudup ärut kireŋkaŋä eruk yotpärareken kämi ärowek. ²⁷Täŋpäkaŋ äma kubätä bulimakau kenta meme gupi tohari kokkok itneŋo u yäpmanj äpämaŋ päŋku yotpärare gägäniken pewän ijineŋ. Ude täŋkaŋ äma uwä gupi teki kudup ärutpäŋ tek kodaki täŋkaŋ äneŋi yotpärare gänaŋ täga äbek.

^c 16:15 Hib 9:12 ^d 16:23 Ese 44:19 ^e 16:27 Hib 13:11

^{29f}Nadätan? Kepma uken ämawebe kuduptä ketem kubä nämoinik näneḡ. Ude tänayäḡ täḡo unitäwä ḡode api näwoḡärewek; Ämawebe u mominita mäyäk bureni-inik nadäḡpāḡ nak jop itkaḡ. Kepma u uwä orekirit kepma bureni kaḡ ahäwän. Kubätä piä kubä nämo täḡpek. ³⁴Eruk, obaḡi obaḡi kepma ḡodeken Isrel ämawebetä orekirit käbeyä täḡpāḡ näkä momini peḡ yämetta kädet täkaḡ ḡodegän kaḡ ahäk täḡpän.

Bämop Äma Epän 19:1-2, 15-18

Kudupi ba siwoḡi irit täḡo jukuman

19 ^{1-2s} Yawetä Moses ḡode iwetkuk; Gäk Isrel ämawebe kudup ḡode kaḡ yäwet; Yawe Anutujin näk kudupi itat unita in udegän kudupigän itpāḡ kuḡatkot.

....
^{15h} Äma kubä täḡo man epänken itpāḡ kädet siwoḡi terak man u säkgämän kaḡ yäḡket urut. Man epän uken äma jäwäri jop nadäḡ nämo oraḡ yämineḡ. Ba äma wäpi biḡam ikekta udegän, nämo umuntäneḡ. Nämo, täktäki terak, siwoḡigän yäpmäḡ danineḡ. ¹⁶Ba in notjiye ätukät päḡku ittäḡ kuḡkaḡ äma ätuta jop manman terak yäḡpāḡ-yabäḡ yäwat nämo täneḡ. Ba ätutä äma kubä wakiinik täḡkuk yäḡkaḡ man epänken teḡirä gäk waki u nämo täḡkuk yäḡ nadäḡpāḡä u gäarak itpāḡ täḡkentäḡ imen. Man kum itpāḡ yabäḡ äwaräkuk täḡiri jop nadäḡ kumäḡ-kumäḡ utneḡta. U imata, näk Yawe it tamitat ubayäḡ.

¹⁷ⁱ Täḡpākaḡ notkapak kubätä waki täḡ gameko unita kokwawak nämo yäpmäḡ kuḡaren. Nämo, injek-tägän yäḡket urun. Unitäḡo momi juku piḡpāḡ gäk imaka, momi täḡpenta. ^{18j} Ba notkapak kubätä gäkken goret täḡ gamiḡirän kokwawak terak kowata nämo täḡ imen. Nämo, gäkḡata nadäk täyan udegän notkayeta nadäwen. U imata, näk Yawe it tamitat ubayäḡ.

^f 16:29-34 Wkp 23:26-32; Nam 29:7-11 ^s 19:2 Wkp 11:44-45; 1Pi 1:16

^h 19:15 Kis 23:6-8; Lo 16:19 ⁱ 19:17 Mat 18:15 ^j 19:18 Mat 5:43, 19:19, 22:39; Mak 12:31; Luk 10:27; Rom 13:9; Gal 5:14; Jem 2:8